



UNIVERSITÄTS-  
BIBLIOTHEK  
PADERBORN

## **Avrea Gemma Christianorvm**

**Ruben, Leonhard**

**Paderbornae, 1604**

Capvt I. Christus est in cælis ad dexteram Patris.

---

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)



LIBER SEPTIMVS.  
 DE SESSIONE  
 CHRISTI AD DEXTE  
 RAM PATRIS ET IVDI  
 CIARIA EIVS POTE  
 STATE.

CAPVT PRIMVM,

CHRISTVS EST IN CAELIS AD  
 dexteram Patris.

**P**ROPHETIA. Psalm. 109.1. Dixit Dominus  
 Domino meo: sede a dextris meis.

VERITAS. Matth. 22. 41. 42. 43. 44. 45.  
 46. Congregatis autem Phariseis, interrogauit eos  
 Iesus, dicens: quid vobis videtur de Christo? cuius  
 filius est? Dicunt ei: David. Ait illis: Quomodo  
 ergo David in spiritu vocat eum Dominum, dicens.  
 Dixit Dominus Domino meo: sede a dextris meis,  
 donec ponam inimicos tuos scabellum pedum tuo  
 rum? Si ergo David vocat eum Dominum, quomo  
 do filius eius est? Et nemo poterat ei respondere vera  
 bum: neq; ausus fuit quisquam ex illa die eum am  
 plius

plius interrogare. Marc. 16. 19. Et Dominus qui-  
dem Iesus postquam locutus est eis assumptus est in  
calum & sedet à dextris Dei. Luc. 20. 41. 42. 43.  
44. Dixit autem ad illos: Quomodo dicunt Chri-  
stum, filium esse David? & ipse David dicit in li-  
bro psalmorum: Dixit Dominus Domino meo,  
sede à dextris meis donec ponam inimicos tuos,  
scabellum pedum tuorum? David ergo Dominum  
illum vocat, & quomodo filius eius est? Act. 13.  
2. 22. 23. 24. 25. 26. 27. 28. Viri Israëlita au-  
dite verba hæc: Iesum Nazarenum virum ap-  
probatum à Deo in vobis, virtutibus, & prodigis,  
& signis, quæ fecit Deus per illum in medio  
vestri, sicut & vos scitis: hunc definito consilio,  
& præscientia DEI traditum, per manus ini-  
quorum affligentes interemistis: quem Deus sus-  
citavit, solutis doloribus inferni, iuxta quod im-  
possibile erat teneri illum ab eo. David enim dis-  
cit in eam: providebam Dominum in conspe-  
ctu meo meo semper: quoniam à dextris est mi-  
hi ne commovear: Propter hoc latatum est cor  
meum, & exultavit lingua mea, insuper & caro mea  
requiescet in spe. Quoniam non derelinques animam  
meam in inferno, nec dabis Sanctum videre cor-  
ruptionem. Notas mihi fecisti vias vitæ: &  
replebis me iucunditate cum facie tua. Act. 7. 55. 56.  
57. Cum autem esset plenus Spiritu sancto, intendens  
in calum, vidit gloriam Dei, & Iesum stantem à dex-  
teris Dei. Et ait: ecce video calos apertos, & filiū ho-  
minis stantē à dextris Dei. Exclamantes autem voce  
magna

magna continuerunt aures suas, & impetum fecerunt unanimiter in eum. Et eicientes eum extra civitatem lapidabant: & testes deposuerunt vestimenta sua secus pedes adolescentis, qui vocabatur Saulus. Rom. 8. 34. Quis est qui condemnet? Christus Iesus qui mortuus est, immo qui & resurrexit, qui est ad dexteram Dei, qui etiam interpellat pro nobis. Ephes. 1. 20. 21. 22. 23. Quam operatus est in Christo, suscitans illum à mortuis, & constituens ad dexteram suam in caelestibus: super omnem principatum & potestatem, & virtutem, & dominationem, & omne nomen, quod nominatur non solum in hoc seculo, sed etiam in futuro. Et omnia subiecit sub pedibus eius: & ipsum dedit caput supra omnem Ecclesiam, quae est corpus ipsius, & plenitudo eius, qui omnia in omnibus adimpletur. Hebr. 1. 1. 2. 3. Multifariam multisque modis olim Deus loquens patribus in prophetis: nouissime, diebus istis locutus est nobis in Filio, quem constituit heredem vniuersorum, per quem fecit & secula: qui cum sit splendor gloriae, & figura substantiae eius, per quem omnia verbo virtutis suae, purgationem peccatorum faciens, sedet ad dexteram maiestatis in excelsis. Ver. 10. 11. 12. 13. 14. Et: tu in principio Domine terram fundasti: & opera manuum tuarum sunt caeli. Ipsi peribunt, tu autem permanebis, & omnes ut vestimentum veterascent: & velut amictum mutabis eos, & mutabuntur: tu autem idem ipse es, & anni tui non deficient. Ad quem autem Angelorum dixit aliquando: sede à dexteris meis, quoad usque ponam inimicos

*inimicos tuos scabellam pedum tuorum? nõne omnes sunt administratorij spiritus, in ministerium missi si propter eos, qui hereditatem capient salutis?*

## CAPVT II.

*Christus secundum humanam naturam  
non est ubiq;.*

**H**ic observa, Christiane lector, grauitèr hallucinari & errare eos, qui Christum Dominum secundum humanitatem docent esse ubiq; quæ hæretica omninò est assertio & sacris scripturis ex diametro aduersa. Vt enim ascensionem Christi ad cælos tollit, ita & sessionem ad dexteram Patris; si enim secundum eandem naturam ascendit, quomodo antequam ascendit ibi fuit? Simile iudicium si ab illo triumphali ascensu sedet à dextris Patris. *Lazarus* (inquit Christus ante passionem. Ioan. II. 14. 15.) *mortuus est: & gaudeo propter vos ut credatis, quoniam non eram ibi, (in Bethania scilicet) sed eamus ad eum.* Timorem quoq; angelus pijs tribus mulieribus apud sepulchrum post resurrectionem Christi adimere volens, inquit Matth. 28. 5. *Nolite timere vos: scio enim quod Iesum, qui crucifixus est, queritis, non est hic, surrexit enim sicut dixit venite & videte locum, ubi positus erat Dominus. Et cito euntes dicite discipulis eius, quia surrexit, & præcedit vos in Galilaam, ibi eum videbitis, ecce prædixi vobis. Quæ omnia verba hic, surrexit, locus ubi positus erat, præcedit, ibi, &c. Christi*

sti